



Diehtu 2015 giđa kártengeahččalemiid birra

Váhnemiidda geain leat mánát 1.- 4. ceahkis

Dán giđa kártengeahččalemiid birra

2015 giđa galget skuvllat čađahit geatnegahtton kártengeahččalemiid 1., 2. ja 3. ceahkis. Oahpahusdirektoráhtta fállá maid eaktodáhtolaš kártengeahččalemiid 1., 3. ja 4. ceahkis. 2015 giđa fállujuvvo vel lassin ođđa eaktodáhtolaš kártengeahččalemit engelasgielas 3. ceahkkái.

Geatnegahtton kártengeahččalemit

Leat geatnegahtton kártengeahččalemit:

- Lohkamis 1., 2. ja 3. ceahkis
- Rehkenastimis 2. ceahkis

Buot oahppit galget váldit daid geatnegahtton kártengeahččalemiid. Oahppit geat leat eret geahččalan-beaivvi, galget čađahit geahččaleami manjil.

Kártengeahččalemiide leat sierra luvvenjuolggadusat. Vaikko oahppi deavddášii luvvema eavttuid, de sáhtta oahppi ieš dahje su váhnemat dattetge mearridit ahte oahppi galgá čađahit geahččaleami.

Eaktodáhtolaš kártengeahččalemit

Geatnegahtton kártengeahččalemiide lassin fállá Oahpahusdirektoráhtta eaktodáhtolaš kártengeahččalemiid. Jus skuvla dahje skuvlaeaggát mearrida čađahit eaktodáhtolaš kártengeahččalemiid, de fertejit buot oahppit dan ceahkis masa dát guoská váldit geahččaleami.

Fállujuvvojit eaktodáhtolaš kártengeahččalemit:

- Rehkenastimis 1. ja 3. ceahkis
- Engelasgielas 3. ceahkis
- Digitála gálggain 4. ceahkis

Dieđut geahččalemiid birra

Kártengeahččalemiid galget skuvla ja oahpaheadjit geavahit gávnnaht geat dárbašit lasi čuovvoleami álgooahpa-husas. Eanaš oahppit máhttet buot hárbhusaid, ja mángasiid mielas ges lea geahččaleapmi álki. Geahččalemit eai

muital olus ohppiid birra geain leat buorit gálggat.

Kártengeahččalemit eai leat geahččalemit fágas, muhto vuodđogálggain fágaid rastá. Oahppoplánain leat vuodđogálggat definerejuvvon ná:

- njálmmálaš gálggat
- máhttit lohkat
- máhttit čállit
- máhttit rehkenastit
- digitála gálggat

Rehkenastinbihtáid ovdamearkkat sáhttet leat lohkat, sirret loguid sturrodagaid mielde, loahpahit lohkogurgadasaid ja rehkenastit plussain ja minusiin. Lohkamis sáhtta leat sáhka ovdamearkka dihtii bustávaidd čállimis, sániid lohkamis ja cealkagiid lohkamis. Guovddášis digitála gálggaid geahččaleami bihtáin lea háhkat ja meannudit, buvttadit ja divodit, gulahallat ja digitála árvvoštallannávccat. Guovddášis engelasgiellageahččaleamis lea dovdat ja ipmirdit oahpes ja beaivválaš sániid ja dajaldagaid, njálmmálaččat dahje čálalaččat. Geahččaleamis leat guokte oasi, guldalanoassi ja lohkanooassi. Ohppiin ferte leat oaivetelefovdna guldalanoasis.

Bohtosat ja čuovvoleapmi

Kártengeahččalemiid bohtosiid ii galgga rapporteret Oahpahusdirektoráhttii ii ge geavahit buohtastahttit skuvllaid, gielddaid dahje fylkkaid.

Bohtosiid galgá vuosttažettiin geavahit siskkáldasat skuvllas láchčin dihti oahpaha nu, ahte oahppit, geat dárbašit dan, ožžot lassi bagadallama ja doarjaga. Oahpahedjjiide leat ráhkaduvvon bagadallanmateriálat mat čilgehit mo geahččalemiid bohtosiid sáhtta čuovvolit.

Jus čađaheami bohtosat čájehit ahte oahppis lea dárba lassi čuovvoleapmái, de galgá váhnemiidda dieđihit geahččalanbohtosiid birra ja mitalit makkár doaimmaid áigot álggahit. Váhnemat sáhttet váldit oktavuoda skuvllain jus ležžet gažaldagat.

Eanet dieđut

Eanet dieđut kártengeahččalemiid birra leat dáppe:

<http://www.udir.no/Vurdering/Kartlegging-gs/>

Máhttoloktema oahppoplánabuvttus lea dáppe:

<http://www.udir.no/Lareplaner/Kunnskapsloftet/>

2015 giđa kártengeahččalemiid bajilgovva

Ceahkki	Geahččaleapmi	Geatnegahtton/ eaktodáhtolaš	Goas
1. ceahkki	Lohkan	Geatnegahtton	cuonomanu 13.b. - 30.b.
2. ceahkki	Lohkan	Geatnegahtton	cuonomanu 13.b. - 30.b.
3. ceahkki	Lohkan	Geatnegahtton	cuonomanu 13.b. - 30.b.
1. ceahkki	Rehkenastin	Eaktodáhtolaš	cuonomanu 13.b. - 30.b.
2. ceahkki	Rehkenastin	Geatnegahtton	cuonomanu 13.b. - 30.b.
3. ceahkki	Rehkenastin	Eaktodáhtolaš	cuonomanu 13.b. - 30.b.
3. ceahkki	Engelasgiella (elektrovnalaččat)	Eaktodáhtolaš	njukčamánu 2.b. - 20. b.
4. ceahkki	Digitála gálggat (elektrovnalaččat)	Eaktodáhtolaš	njukčamánu 2.b. - 20. b.